

Ahellil 90

Hżallit n Musa, ennbi n Rēbbi.

- 1 A Sidi Rēbbi, si Idjil yer Idjil u cek d amkan ani nedduray i yen-tellid.
- 2 Zzaṭ wala ad ilin idurar, u zzaṭ wala a' txelqed hamurt d dduniṭ u cek dima d Rēbbi.
- 3 Heqqared : "wellat a ṭarwa n Adem", amma i hweṣṣid lḡebd yer ucal.
- 4 Xaṭrac elf isuggasen di hiṭṭawin n-ek am ass n waṣennaṭ iḡeddan, am teqṣiṭ n yid.
- 5 Hettawid-hen, u tḡeddan am turjiṭ adeča idin, am leḡcic :
- 6 f tnezzayṭ yetgam u yetnewwar u ṭameddiṭ yetlusu u yetḡara.
- 7 Aḡucci n-ek yessuqqa-neḡ, zzḡaf n-ek yessexleḡ-aneḡ.
- 8 Hessbeyned dnubaṭ n-eḡ zzaṭ-ek, u a netteffer iban di hfawet n wudem n-ek.
- 9 Hih, gaḡ ussan n-eḡ tḡeddan dug ḡucci n-ek ameqran, u isuggasen n-eḡ am tnehhit ttuqqan.
- 10 Nettedder sebḡin n isuggasen, u ma negdeṭ ṭmanyin. U leḡyar n-sen d lḡelb d dderk, xaṭrac tḡeddan s zzerb u a' nruḡ.
- 11 Wi ssnen legdeṭ n uḡucci n-ek ? hiwdi n-eḡ d tameqqrant am zzḡaf n-ek.
- 12 Eslemd-any a' neḡseb ussan n tmeddurṭ n-eḡ, bac a' nesḡa hazergi dug ulawen.
- 13 Ald melmi aḡucci n-ek ? Wella-d a Yellu. Hinn f yexdimen n-ek.
- 14 Esgawen-aneḡ f tnezzayṭ s leḡnant n-ek, u a' neslilu u a' nezha ussan n tmeddurṭ n-eḡ gaḡ.
- 15 Sezha-neḡ f leḡsab n wussan adeg ad-hessersed fella-neḡ edderk, d isuggasen adeg a nezra ag fuḡen.
- 16 Esbeyyen-d lexdami n-ek i yexdimen n-ek, d ccan n-ek i harwa n-sen.
- 17 Hinn fella-neḡ a Sidi Rēbbi n-eḡ. Serbeḡ lxedmet a igin ifassen n-eḡ, lxedmet a igin ifassen n-eḡ serbeḡ-it.